

Guangjisi Minzcu Bau

ganhhau: CN45-0036 B.2017 Nd.5 Ng.31 liggaueq dingyoux nienz ndwenseiq ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3276期

Fangzcwngzgangj Yungh Ndei Gij Ngaenz Hwngfat Siujsoq Minzcu

防城港市用活少数民族发展资金

Fangzcwngzgangj Si Gangigouj Gih yungh lai cungj banhfap doeksaed minzcu cwngcwz, hengzguh minzcu hanghmoeg, saedyienh le minzcu doxgiet huzndei.

Bi 2016 doxdaeuj, aen gih neix yungh ndei gij ngaenz hwngfat siujsoq minzcu, gonqlaeng bued roengz 123 fanh maenz coih caeuq gyahwnq le Vangzfuj Gaihdauban Gunghceh Cunh Roen Lungzmwnz daengz Suij-veij Cuj roenloh dajndongj gungh-cwngz, Vangzfuj Gaihdauban Bwzsah

Cunh Roen Vanzdauj daengz Vahcen Cuj roenloh hwnjguh gunghcwngz daengj, gungh coih roenloh 4.1 goengleix, mizyauq gaijndei le gij diuzgienh ok rog vunzlai dieg siujsoq minzcu.

Aen gih neix yungh ndwen senhconz minzcu doxgiet guh seiz-heiq, youq gihgvanh, segih, lajmbanj senhconz minzcu doxgiet cwngcwz, doenggvaq haiguh "sam nyied sam Bouxcuengh" hauej hagdangz hoz-dung, "sam nyied sam Bouxcuengh"

minzcu vwnzva hozdung caeuq hoih-fwen "sam nyied sam", caeuq haiguh minzcu faplwd fapgvi daengj baenz-dauq hozdung, yiengq vunzlai fat ceksa senhconz minzcu doxgiet. Doengzseiz, haenqrengz guh ndei hong baiczaz hawsingz gij vunz siuj-soq minzcu riuzdoengh daj rog daeuj caeuq gij vwndiz yingyangj minzcu doxgiet haenx, yiemzsuk cawqleix gak cungj hingzveiz famh faplwd ciemq-haih leih'ik siujsoq minzcu haenx.

(Lij Linzyaz)

Lungzswng: Lwngnyez Guh Dijcauh Angqyangz Coux "Roek It"



龙胜:

少儿团体操 快乐迎“六一”

5 nyied 28 hauh, Lungzswng Gak Cuz Swciyen Daihngaih Youwzyenz banh aen cawjdawz dwg "seiz lwngnyez angqyangz 'roek it' siengmuengh" donzdijcauh biuj-yienj hozdung, gyoengq lwngnyez ndang daenj buhvaq mqsag gyaeuget biujyienj 《Nditndat Saekgim》《Lanzcinghlingz Dwggayez》《Caemh Youq Lajmbwn》《Fouxsau Angqyangz》daengj cezmu ndei yawj, youq mwh ciengqgo diuqfoux angqcoux ciet lwngnyez roek it daeuj daengz. Ndaw doz dwg gyoengq lwngnyez diuq fouxsau.

(Banh Cisiengz/潘志祥)

Binhyangz Yen Doicaenh Hwngfat Ginhci Ndaw Ndoeng Gizdieg Siujsoq Minzcu

宾阳县推进发展少数民族地区林下经济

Gaenh bi neix daeuj, Binhyangz Yen mboujduenh cauhamoq guhhong lohnaemj, gvangqlangh senhconz fat-doengh, ciuq dieg bae guh, gaenx-maenx hwngfat ginhci ndaw ndoeng gizdieg siujsoq minzcu, yungh saed-hengz "cien fanh linznungz cien maenz demsou" gunghcwngz guh caidij, yungh ngaenzcienz caizcwng guh dazyinx, yungh ngaenzcienz gwnz-biengz, ngaenzcienz ginhungz guh cawjdaej, daezsang gij gunghawj cingzsoq ginhci ndaw ndoeng doiq nungzhoh haenx, coicaenh ginhci ndaw ndoeng hwngfat gveihmozva, cienniebvaq, hawciengzvaq.

Binhyangz Yen diegnamh cungj-mienhcik 344.9 fanh moux, linzyez yungh dieg mienhcik 140.8 fanh moux, miz diegfaex mienhcik 116.37 fanh moux, ndawde ndoengfaex gai faex mienhcik 118.91 fanh moux, ndoeng-

faex majvaiq 35.97 fanh moux, ndoengfaex goeng'ik 3.37 fanh moux, dieg baujhoh ndoengfaex hoh raemx Cinghbingz Suijgu 25 fanh moux. Binhyangz Yen 105 fanh cungj-gyaeujvunz, vunz nungzyez 89 fanh boux, vunz nungzyez 3790 boux guh ginhci ndaw ndoeng, ndawde guh ndaw ndoeng dajndaem gyaeujvunz 690 boux, guh ndaw ndoeng dajciengx gyaeujvunz 3100 boux, vih hwngfat ginhci ndaw ndoeng dwkroengz le giekdaej ndei. Binhyangz Yen hwngfat ginhci ndaw ndoeng, saedyienh le daj dan yungh swhyenz faex cienjbieng yiengq cunghab yungh diegfaex swhyenz, swngghai swhyenz caeuq gingjgvanh swhyenz, daezsang cingz-soq yungh diegfaex gig hung, byaijok diuz roen hwngfat "mbouj liz mbanj ndaej couhnieb, mbouj raemj faex ndaej baenz miz" he.

Daengz 3 nyied, Binhyangz Yen hwngfat ndaw ndoeng dajndaem, dajciengx, ndoengfaex swngghai lij-youz, doxgaiq ndoeng gyagoeng daengj, nangqdaengz diegfaex mienhcik 38.2 fanh moux, canjciz 4.6 ik maenz, camgya nungzhoh 2.9 fanh hoh, gungh 9.2 fanh boux. Ndawde ndaw ndoeng dajndaem nangqdaengz diegfaex 2.9 fanh moux, canjciz 2675 fanh maenz, ndaw ndoeng dajciengx nangqdaengz diegfaex 6.1 fanh moux, canjciz 2.9 ik maenz, doxgaiq ndoeng gyagoeng nangqdaengz diegfaex 28 fanh moux, canjciz 1.2 ik maenz, ndoengfaex lijyouz nangqdaengz diegfaex 1.2 fanh moux, souhauej 1000 fanh maenz, guh'ok swngghai yauqik, gwnzbiengz yauqik, ginhci yauqik ndei.

(Loz Linzcaiz/罗林才)

SIUSIK DINJ

简讯

● 5 nyied 29 hauh, Liujcouh Si banh aen cawjdaez dwg "cuengq mbin simmuengh angqyangz majhung" "roek it" saedyienh simmuengh hoz-dung, ndaej daengz boux simndei gak hangz ndawbiengz bangcoh, 105 boux lwngnyez ranz gungzhoj daj Cinglanz Siujyoz daengj 11 aen hag-dangz aen si neix daeuj haenx saedyienh le aen simmuengh "roek it" bonjfaenh.

(Liz Hanzciz)

● 5 nyied 27 hauh, Sanhgyangh Duncuz Swciyen Gozsuigiz daengz Liengzgouj Yangh Caidangz Cunh Siujyoz aen yienh neix haiguh gien cienz bang hag hozdung, soengq buhhagdagz, doxgaiq diujuz yungh caeuq cienz-banghag daengj doxgaiq simndei "roek it" ca mbouj lai dij fanh maenz he bae hawj gyoengq lauxsae hagseng aen hagdagz neix, caemhcaiq doenggvaq "suifaz goqdangz" yiengq lwghag mbanjbya senhconz yingzyezsui gaij cwngheizsui cihsiz.

(Liengz Bingh Gungh Bujganh)

● 5 nyied 28 hauh, gyoengq guen bing Ningz-mingz Yen Bienfuengz Dadui Naznanz Henzguk Genjcaz-can byaij hauej ndaw vunzlai bae yiengq gyoengqde gej-gangj fanj gungjbu cihsiz, fuengz gungjbu cangzsiz daengj, mizyauq gyagiengz le gij yisiz fanj gungjbu, fuengz gungjbu vunzlai, vih henhoh diegyouq ancienz onjdingh, dajcauh bingzan huzndei henzguk dwkroengz le giek-daej maenh.

(Couh Yizangh Yangz Genj)

● Mboengqneix, Yungz-suij Myauzcuz Swciyen haiguh gohgi dwzbaiyenz beizyin daengz mbanjrung hozdung, 60 lai boux gohgi dwzbaiyenz daj swcigih, si, yienh daeuj haenx bae daengz Ranzmyauz Mbanjdung son'gyauq ranz-gungzhoj guh dajndaem, dajciengx caeuq densangh daengj fuengmienh, caemh-caiq yienhciegz haiguh gohgi camcaz fugsah, bang doi cinjing vut gungz.

(Lungz Linzci)